

समे — 12:25

DA-Increased

जम्मू-कश्मीर सरकार नै अपने मुलाजमें ते पेंशनरें लेई मैहगाई भत्ते गी 6में तनखाह् आयोग तैहत् बेसिक तनखाई दे 239 प्रतिशत थमां बधाइयै 246 प्रतिशत करी ओड़ेआ ऐ। आकाशचाणी जम्मू दे संवाददाता दी रिपोर्ट मूजब खजाना विभाग दे इक हुकमै मूजब एह बधाया गेदा डीए पैहली जुलाई 2024 थमां लागू होग। जुलाई 2024 थमां फरवरी 2025 तगर बनदिएं बाहू किशतें दे बकाये दा भुगतान मार्च 2025 च नकद बंडेआ जाग ते म्हीने परती औने आलिएं तनखाई ते पेंशनें च शामिल करी लैता जाग।

<><><><><><>

Paddar Megseni

सरकारै पाड्डर नागसेनी हल्के च रोजगार दे मौके पैदा करने आस्तै माली ब'रे 2024-25 च 93 उद्योगिक इकाइएं गी प्रायोजत करने दे कन्नो कन्नी पीएमईजीपी ते जेकेआरईजीपी अभियानें दे तैहत् 34 इकाइएं गी सुविधा प्रदान कीतियां। उपमुख्यमंत्री सुरिन्दर चौधरी होरें कल विधानसभा च सुनील कुमार शर्मा हुंदे सुआले दा परता दिंदे होई एह गल्ल आक्खी। उनें जानकारी दित्ती जे मैहकमे नै बुनकर जे कारिगिर जेहड़े ट्रेनिंग करियै पास आउट नै उनेंगी पंजीकृत कीता। उइस बारे जागरूकता आस्तै 6 कैपें रखे गे। 78 कारिगिरें गी कारिगिरी आले कार्ड बनाने ते 66एं गी पंछान कार्ड बनाने आस्तै बक्ख-बक्ख अभियानें दे तैहत् लाह लैने आस्तै पंजीकृत कीता गेआ ऐ। एहदे कन्नै ई-कामर्स मंच उप्पर उंदी ज्ञान प्राप्ती आस्तै बी उंदी मदद कीती। मंत्री होरें आखेआ जे पाड्डर नागसेनी हल्के दे 12 मेदवारें आस्तै उद्योगिक जागरूकता प्रोग्राम दे चलदे "होसला प्रोग्राम" दे तैहत् उनेंगी सिखलाई बी करोआई गई। उनें इब्बी आखेआ जे पाड्डर दे मट्टी च 8 कनाल जिमीं होटल उद्योग गी बढ़ावा देने आस्तै शिनाख्त कीती गेदी ऐ।

<><><><><><>

Holi

रंगे दर ध्यार होली अज्ज पूरे मुख्य च हर्षो-उल्लास कन्नै मनाई जा'रदी ऐ। एह ध्यार बुराई उप्पर अच्छाई दी जित्त ते बसंत ऋतु दे औने दा प्रतीक ऐ। होली शा दक दिन पैहले होलिका दहन कन्नै रंभ होंदा ऐ। होली दा ध्यार समानता प्रेम ते भाईचारे दा सनेहा दिंदी ऐ की जे हर जाति, उमर ते लिंग दे लोक होली दे ध्यार गी बड़े उत्साह कन्नै मनांदे न। राश्ट्रपति द्रौपदी मुर्मू, उपराश्ट्रपति जगदीप धनखड़ ते प्रधानमंत्री नरेन्द्र मोदी होरें देशवासिं गी होली दी ममारकबाद दित्ती ऐ। मुख्यमंत्री उमर अब्दुल्ला होरें जम्मू कश्मीर दे लोकें गी होली दे ध्यार पर शुभकामनां दित्तियां न। उनें मेद दस्सी जे एह ध्यार लोकें च आपसी समोध ते भाईचारे दी भावना गी मजबूत करोग।

<><><><><><>

Weather

मौसम विभाग नै अज्ज जम्मू कश्मीर दी किश टांवी-टांवी थाहरें ते लद्दाख, गिलगित, बलित्तान, मुज्जफराबाद ते अरुणाचल प्रदेश दी किश किश थाहरें पर भारी बरखा पौने दे असार दस्से न। पंजाब, हरियाणा, चंडीगढ़, दिल्ली, राजस्थान, नागालैंड, मणिपुर, मिजोरम ते त्रिपुरा च गरजो बरसी ते तेज ब्ला चलने दे असार बी दस्से न। तोआई मौसम विभाग आस्सेआ सोराश्ट्र, कच्च, छत्तीसगढ़, झारखंड, उत्तर समुद्रीप, आंध्रप्रदेश ते उड़ीसा च गर्म लैहर दे हालात बने दे न। विभाग दे मताबक असम, मेघालय, नागालैंड, मणिपुर, मिजोरम ते त्रिपुरा दी किश टांवी टांवी थाहरें पर ऐन पेई सकदी ऐ।

<><><><><><>

World Para Athletics

भारत नै विश्व पैरा एथलेटिक्स ग्रां प्री प्रिक्स 2025 जेहड़ा दिल्ली च होआरदा ऐ, एत्थें अक्ख-बक्ख स्पर्धाएं च बड़ा गै शानदार प्रदर्शन करियै अपना दबदबा कायम रखेआ। कुल 134 तगमें जित्ते, जिंदे च 45 सुन्ने दे, 40 चांदी दे ते 49 कैह दे तगमें शामिल न। इस शानदार ट्रेक ते फील्ड स्पर्धाएं कन्नै शानदार प्रदर्शन दे कन्नो कन्नी मेजबान मुख्य नै विश्व मंच उपपर अपनी बधदी शक्ति दे दृढ़ संकल्प दा बी प्रदर्शन कीता। ग्रैंड प्रिक्स दे खीरी ध्याड़े केई ऐसे रोमांचिक पल दिक्ख गे जेहड़े भारत दी शान गी होर बधां दे न।

<><><><><><>

Land Encroachment

शिक्षा ते सेहत मंत्री सकीना इत्तू होरें आखेआ जे साम्बा ते कटुआ जिलें च गैर कनूनी तौरा पर कब्जाई गेदी कुल 17 लक्ख 27 ज्हार 241 कनाल ते 8 मरले जमीन चा 15 लक्ख 39 ज्हार 662 कनाल ते 15.5 मरले जमीन छुड़ाई लैती गेदी ऐ। मंत्री सकीना इत्तू होरें मुख्यमंत्री उमर अब्दुल्ला हुंदे आसेआ राजीव जसरोटिया हुंदे सवाल दे परते च एह जानकारी दिती। उनें इब्बी आखेआ जे जमीनां छुड़ाने दी प्रक्रिया जारी ऐ ते बची दी 3 लक्ख 13 ज्हार 645 कनाल ते 12 मरले जमीन जेदी कीमत 18 ज्हार 49 करोड़ 60 लक्ख ऐ, उसी बी तौले गै छुड़ाई लैता जाग। मंत्री होरें जानकारी दिंदे होई आखेआ जे गैर कनूनी कब्जे आहली जमीन गाटी पटरवार, पटवार हल्का नानन, फोरलेन, पगताली पटवार, तारफ बजवाल, मंजली थाहरें थमां छुड़ाई गेदी ऐ। तोआई, कौरपुन्नू साम्बा च कुसै बी सरकारी जमीन उपपर गैर कनूनी तरीके कन्नै कब्जा नेई कीता गेदा ऐ। तोआई राई-बाई जमीन गी उद्योग ते बपार मकसद लेई बदलने बारे गल्ल करदे होई मंत्री होरें दस्सेआ जे कटुआ ते सांबा जिलें च 6 ज्हार 98.5, त्रै कनाल राई-बाई आली जमीन गी उद्योग ते बपार आस्तै बदलेआ गेआ ऐ। जेहदे च 4729 कनाल 19.33 मरले जमीन गी एद्योग आस्तै ते 559.17 कनाल जमीन गी कटुआ ते जसरोटा इलाकें च बपार आस्तै बदलेआ गेआ ऐ।

<><><><><><>